



卷一

序
姓氏
例言
目錄
圖考

新修岳陽縣志

卷一
民

新修岳陽縣志序

攷周禮春官小史掌邦國之志願師古曰志記也積歲其事也

縣之有志猶國之有史所以寓勸懲昭法戒所繫至重哉願

作史有三難而志乘之文體例故昭亦斷非騷人詞客筆爾操

觚所可從事簡冊彙彙汗牛充棟而冗雜者失之濫簡略者失

之疏鄙陋無文猶其次焉岳陽蕞爾瘠僻不乏通儒自前清光

緒六年縣令唐廷愷督率重脩萃聚一時人文採訪編輯補闕

刪冗粹然可稱完璧而歷三十年未經鏤板貧苦下邑可以識

經濟之綿薄矣夫百世雖少損益而十室必有忠信闕歲既久

其間制度文章善政懿行有可以傳世而詔後者不有續筆則

名山日記誰搜求夫掌故汝南月評空遺棄乎先民湮沒弗彰

使後世無由徵文而考獻則所以維持世道激勵人心者曷任

岳陽縣志

卷一序

一

新石印

此風化之責况民國共和數千年之政體易轍改絃科舉廢則學校宜志政法分則官職宜志議會設而志選舉儀制更而志典禮易汎兵而為警察則防衛宜志也裁驛站而歸郵遞則交通宜志也推之改正朔易服色極諸錯雜非條分而縷析之備著於篇垂為令典則殘缺不完奚足為一邑之藍哉余於民國元歲捧檄蒞茲下車後即徵求邑志披覽一過見夫山色瘠苦民生凋零前賢紀載頗極詳盡而習俗樸厚猶有陶唐氏遺風焉惟僅此鈔本一帙不惟無以垂永久而屢承上峯檄取全志迄無以應乃商之諸紳用石印裝訂籌款續修推舉王君仲明等主任纂輯刪舊增新期於按時立言僅閱兩月而成書余忝領總裁以簿書鞅掌未暇參以筆削嘉諸君子之黽勉從事不敢告勞爰為據筆誌其緣起并

諸簡首俾後之覽是書者知世變孔棘滄海橫流名教久弛其
防所恃以挽頽波而砥狂瀾者惟此公是公非昭示天壤庶可
資補救於萬一昔延平先生論治道首重明天理正人心崇節
義勵廉恥洵哉言乎救時之鍼砭柄政者宜知所先矣
中華民國二年八月慶雲李鍾珩序於安澤官廨

新修岳陽縣志序

四千年專制之中國一變而為共和之世人人昨古驚為異數不知堯舜禹湯以來皆共和也易有之黃帝堯舜垂衣裳而天下治當其時天子穆穆百姓皞皞上恬下熙恭己無為以天下為公器以治天下為公義師濟一堂元愷襄贊舉賢而禪讓之謂非共和之左驗歟民國二年夏共和既建全晉大定上游諸君子徵取邑志蓋以考俗尚觀政治舍是莫由惟是邑之志燬於明清鼎革之際康熙元年壬寅邑人李夢辰刺史創修之雍正十三年乙卯邑令鹽山趙公繼修之歷年既久舊版散佚間有存者亦漫漶不可讀光緒六年庚辰邑人趙重信學博又復重修而未鈔版是邑有志而無志不惟無以應上游之求且無以徵來茲之信維時天津李公嘯山知縣事邀集哲等而

岳陽縣志

卷一序

三

新石印公司印

續修之或曰國是既更志亦宜然舊日文獻俱屬刪例余以為未然比之湯武易揖讓為征伐特其名焉耳實則公天下之心猶是也今日者民國肇造共和告成朝野上下氣象一新然而山川井里如故也人物風俗如故也士絃誦於學農耨鋤於野工商懋遷於闌闌仍如故也和之為義不過法祛其太苛弊除其已甚秩序期於又安人民敦夫古處以曩時之紀載驗近今之風氣納是民於春風和氣中斯已耳國體雖更舊志之足以徵文而考獻者奚俟改絃而更張之哉於是取趙君所修之志點竄刪易纂輯補訂兩越月而哀然成帙而邑復有志矣由是披一邑之志一邑之人情風土見推而至於中國極之天下庶幾五族共和四海一家馴而致黃帝堯舜垂衣裳而治之庥不難也懿歟盛哉非民國之利耶

非四萬萬人民之幸福耶於是乎書
中華民國二年八月邑人王之哲識於文廟宗聖會之西軒下

岳陽縣志

卷一序

四

新石印公司印

新修岳陽縣志序

慨自商鞅變法井田廢為郡縣漢稱曰州唐改為道元初分路明始置省清沿明舊歷代不一其制而封域既經割裂一切風人情即因之截然不同微特省與省異即縣與縣亦迥不相侔欲周知一縣之事必先編輯一縣之書此縣志之所由作也中國專制數千年制度文章類皆導揚盛美而記事載筆文人尤多忌諱之辭故著述所及往往多不實不盡吾岳志書殘缺已久自前清末葉唐令重修擱置多年未經鈐版民國共和百端待舉如戶口圖籍錢穀兵刑均屬切要之端而孝義節烈關係人心風化尤未便聽其湮沒鄉井致潛德之弗彰况政體既更歷朝陳迹有絕不能沿襲者則當刪之削之而據事直書尤宜祛舊日拘牽之習期符乎民國真詮則皇皇志乘焉可視為緩

岳陽縣志

卷一序

一

新石印公司印

圖哉知事李嘯山先生有鑒於此爰邀集士紳籌款續修推舉王君仲明等主任其事時閱兩月全書告竣林忝列分纂學殖久荒識既囿夫井蛙學更拘於管豹其何敢率爾操觚貽譏大雅惟一事不知儒者之恥文獻攸關正宜廣蒐博集備他日祀宋無徵用敢不辭固陋謹隨諸君子後略貢壤流則庶幾一邑龜鑑得完璧既不負賢有司之提倡熱心而驥尾之名垂諸不朽林且與有榮施焉爰據筆而誌其緣起如此

中華民國二年八月邑人孫林生序於縣署之桐蔭軒

新修岳陽縣志序

志也者史也與史相輔而行者也一邑之事史所不能備載者賴志以紀之故分之則為州縣之志合之即為邦國之史顧可緩圖哉岳志創自前清康熙元年僅得二冊至雍正十三年繼修者始擴二為四迨光緒六年歷歲已久版片散佚所存無幾且漫漶不堪讀適奉檄修晉省通志並飭將州縣志一律重修時先兄信肄業晉陽邑令唐君之歸俾主編纂先兄以一手綜其事著作編輯悉心攷訂於舊志之謬者正之闕者補之刪煩冗取簡約汰鄙俗易雅馴詳其所當詳畧其所當畧卷擴十六冊仍彙四名雖曰因實同於創書成申送上憲合省通校岳志名列第二祇以經費支絀遲遲至今三十餘年尚未鑄版以致有志與無志等雖云地方瘠苦使然良由無人焉以提倡之耳

岳陽縣志

卷一序

新印公司印

今知事李甯山先生以邑志僅只抄本一帙既無以垂永久又無以應上求惓惓以此為念遂商諸議會籌款續修推舉王君仲明主任開辦於是局設文廟內之宗聖會取先兄所脫稿按照原分門類自前清光緒七年起至中華民國二年止挨次編纂逐類增入間有與民國時代未合者筆削之餘仍舊並將新政所立各機關名目人數一一列入以備參考兩閱月而告成焉斯編也寓勸懲別善惡是是非非昭成憲於既往垂法戒於將來於世道人心不無裨益按而稽之其所以扶名教正綱常維持風化者實與史相輔而行故曰志也者史也非分之為州縣之志合之即邦國之史哉願可緩圖哉今者修已竣矣邑於是復有志矣而賢有司惓惓之至意庶幾無負矣幸矣夫

不才濫竽分纂之列不揣鄙陋聊

以俚言敘其顛末云
中華民國二年八月邑人趙重文序於宗聖社之西齋

岳陽縣志

卷一序

二

新石印公司印

新修岳陽縣志序

上下五千年縱橫九萬里其間封建郡縣之變遷政治制度之因革朝野上下之盛衰所以傳奕世示千秋足以扶世而翼治者賴有國史以紀載幅員幾百里戶口數千家其間疆輿道路之廣狹人物風俗之美惡遠近今昔之異同所以守先型待來茲者賴有邑志以維繫然則國之不能無史亦即縣之不能無志也明矣吾岳貧苦下邑素乏通儒志之纂修較他縣為難攷邑志燬於明季兵燹清康熙初署縣事李公子實創修得二冊雍正間邑令鹽山趙公溫增修擴二為四閱歲已久殘缺不完光緒六年邑人趙君重信又復重修迄今尚未鏤版僅抄本一帙其何以昭示來茲永垂不朽乎今者易專制為共和雖政治制度改絃易轍而封域疆輿風俗人情依然如故也所以典禮

學校有志職官警務有志遊故里而訪故家父兄耆老往往能道其軼事某年豐亨有象某年災祲頻仍一披覽而如在目前矣至於儒林文苑孝義節烈耆逸期壽或有功名教或蜚聲藝林並宜記載以勵風化非第如斷碣殘碑全文石字藝文之僅足備考證已也是舉也始於民國二年七月一號終於八月三十一號閱兩月而書成帙焉中學識庸淺何敢妄參已見惟忝列同人願步其後塵樂志之聿觀厥成也不揣鄙俚而為之序

中華民國二年八月邑人劉致中敘於縣議會之至公齋

新修岳陽縣志序

中國專制四千餘年上下相習已久一旦雷轟電掣變為共和無論人人詫異个个驚駭即巢燧羲軒亦所不及料堯舜周孔亦所不及防者也此古今之初局宇宙之奇文而為吾中華民國一大快事但其間舊制之改革新政之施行有不容不書者而謂志可闕乎哉顧岳志燬於明季兵燹清康熙初邑令李勗修之雍正末邑令趙繼修之迨光緒六年邑人趙君重信重修後經今三十餘載尚未復版僅鈔本一帙為餽羊之存邑之志其不絕者如縷矣今慶雲李嘯山先生知縣事熱心提倡邀諸紳耆敦推舉王君仲明等續修之際舊志換次續輯外所有新政設立各機關按照原分門類一一增入以志之志宗聖所以保國粹也志學校所以培人材也志宣講所以濟民智而淪民靈也

岳陽縣志

卷一序

新石印公司印

且也民治則第一科掌之固宜志財政則第二科司之亦宜志警務任巡防之責郵政代驛遞之勞則又宜志非此也農會也志之以勤民力蠶桑也志之以興民利商會也志之以致民懋遷而便民用若夫官廳為行政之樞紐審檢為司法之行為縣議會為立法之關鍵此更不容不志者也至人物一門尤關緊要若儒林若文苑若忠義孝弟若節烈貞淑或品重圭璋或詞吐珠玉或誠格乎金石或襟懷乎冰霜要皆闡名教繫風化可法可型詎可聽其湮沒乎類而志之洵足以維世而勵俗矣今日者民國肇造共和政成脫專制之威權享自由之幸福普天率土氣象一新非特四萬萬同胞之幸即揆諸巢燧羲軒堯舜周孔在天之靈當亦色為喜而神為怡也豈非古今之初局宇宙之奇文中華民國之一大快事哉

志之烏容已哉斯役也舉三十餘年未竟之功今六旬而告竣
焉微賢有司提倡之力曷克臻此祺識愧庸愚才慙淺陋忝居
同事之列竊幸斯書之成故不避效顰之嫌援筆誌之
中華民國二年八月邑人邢天祺序於文廟之宗聖社東軒下

新修岳陽縣志序

縣之有志所以記一縣之建置沿革疆土變遷官績人物土產風俗敘其次第類著於篇俾燦然大備足以資考證而昭法戒岳陽彈丸小邑而名稱之古見於禹貢戶口雖稀疆域遼濶輪迴八百里而遙論官績則自明至清歷著循良者班班可考論人物則自冀蘭諸賢而後代不乏人而孝義節烈流播於田夫野老之口尤足徵山陬僻壤愚夫愚婦之真率至於唐俗勤儉久隸堯封草木禽獸山澤繁殖更堪為蕞爾生色舊志簡畧考始在清康熙雍正朝歷年既久漫漶殆不可卒讀光緒六年縣令唐公廷愷督率重修始成完書然迄於今未經鏤版眷念文獻常虞有志未建之憂民國肇造慶雲李嘯山先生以京師大學出身權篆斯邑慨然於風俗日敝人心日偷以志書寓褒貶

岳陽縣志

卷一序

一

新石印公司印

別善惡洵足振勵紀綱藉施補救迺商之議會推舉王君仲明趙君郁壺孫君桂山分任編纂設局續修閱兩月而歲事幸心有餘而才不足何幸得此賢長官極力提倡諸前輩熱心纂輯數十年廢墜一旦而完全告竣愈以知天下作事之難不在於創而在於因從此有基勿壞庶幾永垂不朽云
中華民國二年八月邑人宋煥章序於縣署之惜陰齋

新修岳陽縣志職名 中華民國二年八月

監修

岳陽

縣

知

事

李鍾珩

滿山縣人

纂修

宗

聖

會

講

長

王之哲

仲明

宗

聖

會

講

長

趙重文

郁堂

第

一

科

講

長

孫林生

桂山

分修

縣

議

會

會

長

劉致中

和齋

縣

商

會

文

牘

邢天祺

少商

司

法

科

長

兼

幫

審

採訪

科

科

長

兼

幫

審

岳陽縣志

卷一 姓氏

一

新石印公司印

縣

農

會

會

長

喬蓬源

泉齋

教

育

科

科

長

李篤生

俊卿

縣

議

會

副

議

長

李鍾英

高峯

繪圖

女

子

初

等

小

學

校

校

印訂

督

府

書

記

官

秦占桂

香亭

都

議

會

議

員

趙維鼎

殿三

省

議

會

議

員

趙維鼎

殿三

繕正

第

一

科

科

員

王捷三

秀峯

高

等

小

學

校

校

校

縣

議

會

職

員

王書培

味三

縣

議

會

職

員

王恩培

錫三

高等小學校教員	中學校畢業	縣議會議員	高等小學校	畢業生	第二科	第一科
李鴻慈	張善運	王天培	星三	宋煥章	文卿	
孝堂	子亨					

修志銜名 康熙元年

總纂

署岳陽縣知縣李子寶 順天大興人 監貢

署儒學教諭 鮑奇 潞安長治人 舉人

署儒學教諭 劉克振 平定州人 舉人

鄉宦維摩州知州李夢辰 思貢

訂正

岳陽縣知縣 曹爾飭 北直樂亭人 貢士

岳陽縣志

卷一 姓氏

三

新石印公司印

鄉宦

趙汶

趙汝璽

范星鼎

任天民

趙權

貢士

張登第

張鴻養

陳天定

張朝儀

分纂

庠生

李夢協

王天寵

劉自成

趙國璘

楊四君

梁三奇

趙之晉

趙科

李天惠

李秉瑞

李之炳

岳陽縣志

李思孟

任生民

李夢瑤

張新譽

陳政

韓瑾

李之美

趙枏

李生瑞

供給

岳陽縣典史

宋九華

浙江浦江人

卷一 姓氏

四

新石印公司印

修志銜名 雍正十年

總纂

岳陽縣知縣趙

溫直隸鹽山人
進士

訂正

儒學訓導李

瑗解州人

儒學訓導黃

素渾源州人

分纂

貢士

李振世

趙邦寵

常遜

庠生

岳陽縣志

卷一 姓氏

五

新石印公司印

張繼先

李程

張載

任鶴齡

趙邦慶

楊維檀

王甌予

楊維植

李培華

任宗

宋集昌

任燮